

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa članom 13. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13), Budžetom Zeničko-dobojskog kantona za 2023. godinu („Službene novine Zeničko-dobojskog kantona, broj: 3/23), Zaključkom Vlade Kantona o prihvatanju izmjena Plana investiranja dodijeljenih sredstava potpore iz Budžeta Federacije BiH za kapitalne investicije broj: 02-11-8298/23 od 19.05.2023. godine, Odlukom Vlade Kantona o preraspodjeli sredstava u Budžetu Zeničko-dobojskog kantona za 2023. godinu broj: 02-11-9145/23 od 02.06.2023. godine i Odlukom Ministarstva finansija o preraspodjeli rashoda u Budžetu Zeničko-dobojskog kantona broj: 07-03-01/11-9396-2-1/23 od 09.11.2023. godine, na prijedlog Ministarstva zdravstva, Vlada Zeničko-dobojskog kantona, na 4. sjednici, održanoj dana 23.11.2023. godine, d o n o s i

ODLUKU
o raspodjeli planiranih sredstava u
Budžetu Zeničko-dobojskog kantona za 2023. godinu na poziciji
„Kapitalni transferi drugim nivoima vlasti - za zdravstvo“

Član 1.
(Predmet)

Planirana sredstva u Budžetu Zeničko-dobojskog kantona za 2023. godinu na poziciji 615100 - „Kapitalni transferi drugim nivoima vlasti - za zdravstvo“ u iznosu 5.133.157,00 KM (slovima: petmilijonastotinutridesettrihiľadestotinupedesetsedam konvertibilnih maraka) raspoređuju se u sljedećem omjeru:

- a) iznos od 2.266.865,00 KM (slovima: dvamilionadvijestotinešezdesetšesthiľadaosam stotinašezdesetpet konvertibilnih maraka) ili 44,16% raspoređuje se za kapitalne transfere JU Kantonalna bolnica Zenica i
- b) iznos od 2.866.292,00 KM (slovima: dvamilionaosamstotinašezdesetšesthiľadadvije stotinedevedesetdvije konvertibilne marke) ili 55,84% raspoređuje se za kapitalne transfere javnim zdravstvenim ustanovama u skladu sa Zaključkom Vlade Kantona o prihvatanju izmjena Plana investiranja dodijeljenih sredstava potpore iz Budžeta Federacije BiH za kapitalne investicije broj: 02-11-8298/23 od 19.05.2023. godine.

Član 2.
(Analitička konta)

Sredstva iz člana 1. ove odluke utrošit će se prema Programu utroška sredstava planiranih u Budžetu Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23) na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo”.

Član 3.
(Provođenje Odluke)

Za provođenje ove odluke zadužuju se Ministarstvo zdravstva i Ministarstvo finansija, svako u okviru svoje nadležnosti.

Član 4.
(Izvještavanje)

Ministarstvo zdravstva je dužno izvjestiti Vladu Zeničko-dobojskog kantona o namjenskom utrošku sredstava po programu utroška sredstava koji će se donijeti na osnovu ove odluke.

Član 5.
(Stavljanje van snage)

Donošenjem ove odluke stavlja se van snage Odluka o raspodjeli planiranih sredstava u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“ („Službene novine Zeničko-dobojskog kantona, broj: 10/23).

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Nezir Pivić

Broj: 02-11-17425/23

Datum, 23.11.2023. godine

Z e n i c a

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a